



御批歷代通鑑輯覽卷之十三

漢起高皇帝五年己亥。至孺子嬰初始元年戊辰。凡十二帝。二百十年。附新莽十四年。更始二年。共二百二十六年。

太祖高皇帝

姓劉氏。名邦。陶唐氏裔。劉累之後。

春秋時在晉為范氏。上會入秦。還其處者。

為劉氏。後自秦涉魏。徙于豐。

以布衣起沛。八載而成帝業。因初王漢

遂建為有天下之號。

張晏曰。禮諡法無高。以帝功最高。為漢太祖。故特起名焉。

己亥五年三月。漢王即皇帝位。

諸侯王將相共請尊漢王為皇帝。漢王辭不敢當帝位。

羣臣皆曰。大王起寒微。誅不義。立有功。德施四海。諸侯

王不足以道之居帝位。甚實宜。願大王以幸天下。使天下慶

幸也。漢王三讓。乃于二月甲午。即皇帝位。汜水。濟瀆分流。在山東曹

州府曹縣北。與定陶縣分界。今定陶西北。有漢祖壇。高帝即位處。之陽。尊王后曰皇后。

太子曰皇太子。追尊先媼。皇帝母。孟康曰媼。母別名。音烏老反。曰昭靈夫

人。

立故衡山王芮為長沙王。故粵與越同王無諸為閩粵今福建周

七閩地。後為越人所居。故曰閩越。王。

詔曰。故衡山王吳芮。從百粵之兵。以佐諸侯。誅暴秦。有

大功。諸侯立以為王。項羽侵奪之地。謂之番君。其以長

沙。豫章。象郡。桂林。南海。注俱見前。立芮為長沙王。都臨湘。今湖南長沙

府治。又曰。故粵王無諸。句踐之後。姓騶氏。世奉粵祀。秦奪其地。

使其社稷。不得血食。諸侯伐秦。無諸身帥閩中兵。以佐

滅秦。項羽廢而弗立。今以為閩粵王。王閩中地。都治。今福建福

州府治是。弗使失職。

帝西都洛陽。夏五月。兵皆罷還家。

詔曰。民前或相聚保山澤。不書名數。戶籍也。今天下已定。

令各歸其縣。復故爵田宅。以文法教訓。辨告勿笞辱。軍

吏卒爵及七大夫。即公大夫。以爵第七。故謂之七大夫。以上皆令食邑。秦制。

列侯乃得食邑。今所以寵之也。非七大夫以下皆復其身及戶。勿事。不輸。

戶賦也。

置酒南宮。在今河南府洛陽縣東。故洛陽城中。輿地志。秦時已有南北宮。

上曰。徹侯諸將。毋敢隱朕。皆言其情。吾所以有天下者。

何。項氏所以失天下者。何。高起。高齊。高氏之別起。名也。臣贊曰。高帝時。有武都。

侯臣起。王陵對曰。陛下使人攻城略地。因以與之。與天下

同其利。項羽不然。有功者害之。賢者疑之。戰勝而不與人功。得地而不與人利。此其所以失天下也。上曰。公知其一。未知其二。夫運籌帷幄之中。決勝千里之外。吾不如子房。填國家。撫百姓。給餉餽。不絕糧道。吾不如蕭何。連百萬之衆。戰必勝。攻必取。吾不如韓信。三者皆人傑。吾能用之。此吾所以取天下者也。項羽有一范增而不能用。此所以爲吾禽也。羣臣說服。

召故齊王橫。未至自殺。

彭越既受漢封。田橫與其徒屬五百餘人。入海居島中。

在山東萊州府卽墨縣東北。今名田橫島。帝恐其爲亂。赦橫罪。召之。橫謝曰。

臣烹陛下之使酈生。今聞其弟商爲漢將。臣恐懼不敢

奉詔。使還報。帝乃詔衛尉秦官。漢因之。掌宮門衛屯兵。酈商曰。齊王

田橫卽至。敢動搖者。致族夷。乃復使使具告以詔。商狀

曰。田橫來。大者王。小者乃侯耳。不來。且發兵加誅。橫乃

與其客二人乘傳詣洛陽。至尸鄉。在河南偃師縣西。卽周尸氏。廢置

置馬以傳驛者。謂其客曰。橫始與漢王俱南面稱孤。今漢王爲

天子。而橫乃爲亡虜。北面事之。其恥固已甚矣。且吾烹

人之兄。與其弟併肩而事主。縱彼畏天子之詔。不敢動

我。獨不愧于心乎。遂自剄。令客奉其頭。從使者馳奏之。

帝爲流涕。以王禮葬之。拜其二客爲都尉。橫旣葬。二客

聞之。大驚。以橫客皆賢。餘五百人尙在。海中。使使召之。至。則聞橫死。亦皆自殺。

以季布季魯季氏之別爲郎中。斬丁公丁齊丁公伋支孫。以次爲氏。此丁公。晉灼曰。薛人名。

固以徇。

初。楚人季布爲項羽將。數窘辱帝。羽滅。帝購求布千金。

敢有舍匿。罪三族。布匿濮陽周氏。周氏令布髡鉗爲奴。

賣之魯朱家。魯人。以俠聞。朱家心知其季布也。買置田舍。身

之洛陽見滕公。說曰。季布何罪。臣各爲其主用。職耳。項

氏臣豈可盡誅耶。今上始得天下。而以私怨求一人。何

示不廣也。且以季布之賢。漢求之急。此不北走胡。南走

越耳。夫忌壯士以資敵國。此伍子胥所以鞭荆平之墓

也。事見前。滕公言於上。乃赦布。召拜郎中。朱家遂不復見

之。布母弟丁公。師古曰。同母異父之弟。亦爲項羽將。逐窘帝彭城。

易坎之象曰王公設險以守其國象即繼之曰君子以常德行可知有德然後險可恃無德則險適足以速其敗洛陽關中斤斤此較失之遠矣

西短兵接帝急顧曰兩賢豈相戾哉丁公乃還至是來

謁帝以徇軍中曰丁公爲臣不忠使項王失天下遂斬

之曰使後爲人臣無倣丁公也

帝西都關中以婁敬

婁氏邾婁國之後

爲郎中賜姓劉氏

齊人婁敬戍隴西過洛陽求見上曰陛下都洛陽豈欲

與周室比隆哉上曰然敬曰陛下取天下與周異周自

后稷積德索善十有餘世至於文武而諸侯自歸之遂

滅殷爲天子成王卽位周公相焉乃營洛邑以爲此天

下之中也諸侯四方納貢職道里均矣有德則易以王

無德則易以亡故周之盛時諸侯四夷莫不賓服及其

衰也天下莫朝周不能制非惟德薄形勢弱也今陛下



起豐沛卷蜀漢定三秦與項羽戰滎陽成皋之間大戰

七十小戰四十使天下之民肝腦塗地哭聲未絕傷者

未起而欲比隆於成康之時臣竊以為不侔也夫秦地

被山帶河四塞以為固卒然有急百萬之眾可立興也

夫與人鬪不搯音厄其亢音剛拊其背未能全勝今陛

下入關而案秦之故此亦搯天下之亢而拊其背也帝

問羣臣羣臣皆山東人爭言周王數百年秦亡世即亡

洛陽東有成皋西有殽殽山注澠澠池注倍亦見前河鄉洛其

固亦足恃也上問張良良曰洛陽雖有此固其中小不

過數百里田地薄四面受敵非用武之國也關中左殽

函右隴蜀沃野千里南有巴蜀之饒北有胡苑之利師古

曰安定北地上郡之北與胡相阻三面而守獨以一面接之地可以畜牧故曰胡苑

東制諸侯諸侯安定河渭漕輓天下西給京師諸侯有

變順流而下足以委輸春遇此所謂金城千里天府之

國敬說是也上即曰西都關中拜敬郎中賜姓劉氏號

奉春君良從上入關即道引不食穀杜門不出曰家世相韓及韓滅不愛萬金之資為韓報讐疆秦天下

下震動今以三寸舌為帝者師封萬戶侯此布衣之極于良足矣願棄人間事欲從赤松子遊耳赤松子師

古曰仙人號也神農時為雨師

秋七月燕王臧荼反帝出擊虜之九月立盧綰為燕王

綰家與上同里閏綰生又與上同日上寵幸綰故特王

之時西楚故將利幾反楚公子食采于利後以為氏利幾以陳令降帝侯之潁川至雒

陽舉通侯籍召上亦自擊破之

後九月治長樂宮

在陝西長安縣西北故城中。本秦興樂宮。漢修飾之。因更名。

庚子六年冬十二月帝會諸侯于陳執楚王信以歸至洛陽

赦為淮陰侯

信初之國行縣邑陳兵出入有上書告信反者上問左

右左右爭欲擊之用陳平計乃偽游雲夢

平曰古者天子有巡守會

諸侯陛下第出偽游雲夢會諸侯于陳陳楚之西界信聞天子以好出游其勢必無事而郊迎謁因而禽之此特一力士耳發使告諸侯會陳信聞之疑懼時楚故將帝以為然

鍾離昧亡歸信詔捕之或說信曰斬鍾離昧以謁上

必喜亡患信從之

信見昧計事昧曰公捕我自媚漢吾今死公隨手亡矣乃罵信曰公非長

者卒持昧首謁帝于陳帝豫具武士縛信載後車信曰

白劉持昧首謁帝于陳帝豫具武士縛信載後車信曰果若人言狡兔死走狗烹高鳥盡良弓藏敵國破謀臣

亡。天下已定。我固當烹。上曰。人告公反。遂械繫信以歸。

因赦天下。田肯賀曰。陛下得韓信。又治秦中。秦形勝之

國也。帶河阻山。縣隔千里。持戟百萬。秦得百二焉。地勢

便利。其以下兵于諸侯。譬猶居高屋之上。建瓴水也。夫

齊東有瑯邪。卽墨。注俱見前。之饒。南有泰山之固。西有濁河

之限。晉灼曰。齊西有平原河。水號黃河。故曰濁河。北有勃海之利。地方二千

里。持戟百萬。縣隔千里之外。齊得十二焉。此東西秦也。

非親子弟。莫可使。王齊者。上曰。善。還至雒陽。赦信為淮

陰侯。信知上畏惡其能。多稱病不朝。從居常鞅鞅。羞與絳灌等列。常過樊將軍。噲噲跪拜送迎。言稱臣曰。

大王乃肯臨臣。信出門笑曰。生乃與噲等為伍。上嘗從容與信言。諸將能各有差。上問曰。如我能將幾何。信曰。

陛下不過能將十萬。上曰。于君何如。曰。臣多多益善。上笑曰。多多益善。何為為我禽。信曰。陛下不能將兵。而善

將將此乃信之爲陛下禽也。且陛下所謂天授非人力也。

始剖符封功臣爲徹侯。詔定元功位次。賜丞相何劬履上

殿。入朝不趨。

始封功臣。鄼今湖北襄陽府光化縣北。有鄼縣故城。蕭何所封。侯蕭何。食邑獨

多。功臣皆曰。臣等身被堅執銳。多者百餘戰。少者數十

合。今蕭何未嘗有汗馬之勞。徒持文墨議論。顧反居臣

等上。何也。帝曰。諸君知獵乎。追殺獸兔者。狗也。發縱指

示者。人也。今諸君徒能得走獸耳。功狗也。至如蕭何。發

縱指示。功人也。羣臣皆莫敢言。張良亦無戰鬪功。帝使

自擇三萬戶。良曰。臣始起下邳。與上會留。注見前。此天以

臣授陛下。陛下用臣計。幸而時中。臣願封留足矣。不敢

當三萬戶。乃封良為留侯。封陳平為戶牖。陽武縣鄉。漢改東昏縣後。

廢故城在開封府蘭陽縣東北。侯平辭曰：此非臣之功也。上曰：吾用先

生謀，戰勝克敵，非功而何？平曰：非魏無知，臣安得進。上

曰：子可謂不背本矣。乃賞無知，列侯畢已受封，詔定元

功十八人位次。師古曰：謂蕭何、曹參、張敖、周勃、樊噲、鄼

武、王吸、薛歐、周昌、丁寬、皆曰：曹參功最多，宜第一。鄂千

蟲達從第一至十八也。秋，鄂出姬姓。晉進曰：參雖有野戰略地之功，此特一時

之事耳。上與楚相距五載，失軍亡眾，跳身遁者數矣。蕭

何常從關中遣軍補其處，又軍無見糧，何轉漕關中，給

食不乏。陛下雖數亡山東，何常全關中以待陛下。此萬

世之功也。今奈何以一旦之功而加萬世之功哉？何第

高祖發縱指示之論早有  
首蕭何之意千秋不過用  
則其說耳被以上賞過矣

一。參次之。上曰善。且曰。吾聞進賢受上賞。封千秋為安

平。漢縣今屬直隸深州。侯。是曰悉封何父子兄弟十餘人。皆有食

邑。益封何二千戶。

春正月。立從兄賈為荆王。弟交為楚王。兄喜為代王。子肥為齊王。

帝懲秦孤立而亡。欲大封同姓以填撫天下。分楚地為

二國。立從兄將軍賈。數有功。為荆王。王淮東。故吳地。弟文

信君交。帝同父少弟。好書多材藝。為楚王。王淮西。故楚地。兄宜信侯

喜。帝仲兄。為代王。王代地。凡五十三縣。長子肥。帝微時外婦曹氏子。為齊王。

王齊地。凡七十三縣。諸民能齊言者。皆以與齊。帝兄弟四人。長兄伯早卒。帝微時嘗與賓客過其邱嫂。食嫂陽為羹。盡輟釜。客以故去。已而視釜中有羹。由是怨嫂。故伯子不得封。太上皇以為言。帝曰。某非忘封之也。為其

母不長者耳。乃封其子信為羹頡侯。

以曹參為齊相。

參至齊聞膠西

漢縣今為膠州屬山東萊州府

有蓋公善治黃老言

樂毅

之後樂臣公善脩黃帝老子之言以教蓋公蓋公教于高密膠西

使人請之蓋公為言

治道貴清靜而民自定參乃避正堂以舍之用其言齊

國安集稱賢相焉。

更以太原郡

漢太原郡治晉陽今太原府太原縣是

為韓國徙韓王信王之

上以信材武所王皆天下精兵處乃以太原郡三十一

縣

胡三省注班志漢太原郡領二十一縣今以三十一縣為韓國蓋定襄未置郡故太原之地北被邊兼有

雁門之

馬邑也為韓國徙信王之。以備胡都晉陽信以國被邊

晉陽去塞遠請治馬邑

山西朔平府朔州西北有故城故馬邑城也今馬邑縣唐開元



中置。非漢縣。非許之。

封雍齒為什方漢縣。今屬四川成都府。侯。

上已封大功臣三十餘人。其餘爭功未得行封。上居洛陽南宮。從複道上望見諸將。往往坐沙中。偶語以問張良。良曰：「陛下與此屬共取天下。今所封皆故人親愛。所誅皆平生讐怨。此屬畏陛下不能徧封。恐又以過失及誅。故相聚謀反耳。」上曰：「為之奈何？」良曰：「取上素所不快計羣臣所共知最甚者一人。先封以示羣臣。」三月。上置酒封雍齒。帝初起時。齒以豐降魏。事見前。因趣丞相急定功。行封罷酒。羣臣皆喜。曰：「雍齒且侯。吾屬無患矣。」

夏五月。尊太公為太上皇。